

宋詩紀事補遺

宋詩紀事補遺卷之五十四

歸安陸心源菴剛父輯

任希夷 屬有

青溪

蛾眉流落碧流中
走馬來時事已空
此日不能留姐
已他年誰口憶高公

又

青溪不見麗華留
遺恨空餘故國口
壁月只應明結
綺春風吹不上迷樓

又

閉門忽憶東風面步向青溪遶碧灣
淡白深紅了無跡綠楊烟外一鍾山

景定建康志

白鷺亭

江山悠悠淮水流臺城寂寂石城留
淒涼白鷺洲頭月曾照前朝玉樹秋

同上

鳳凰臺

只爲羊車戀靚粧倉皇合殿燭無光
宮中不解嫁鸚鵡臺上安能來鳳凰

同上

南朝故迹惟天禧鳳凰臺鹿苑寺
郝氏窟爲

最久

有梟何取臺儀鳳事佛空教后作蛇狐穴蟻巢零落
盡却能留此梵王家

同上

行宮口號

絳闕前頭天闕橫春烟收盡兩峯青中流淮水成河
漢旁列鍾山作御屏

新青染遍金隄柳廢綠羞開玉樹花今代離宮呈氣
象六朝荒址滿桑麻

同上

石頭城

石城只解著王蘇謾說夷吾計亦疎儘使西風能舉
扇可堪重見伯仁書

同上

城東懷古

謝安游處猶留墅李白吟邊亦有亭
兩地東山春寂寂至今白下柳青青

同上

鍾山

城如虎踞來擒虎山號盤龍屬臥龍
天險不能回運去地靈元自要人雄

同上

同劉武子孫季和游鍾山和劉武子韻

有客新從蜀道還共招北隱步松間
何人寫出秋風句付與淮南大小山

同上

臺城

隋家耕壟徧陳宮，留得鍾山蔣郡東。
只怕東南分王氣，那知零落錦帆風。
同上

題謝氏山居

風流誰似謝家安，不愛蒼生只愛閑。
今日雲孫仍不惡，一間茅屋尙東山。
同上

鍾山春游

青樓醺醖客中聖，碧苑鞦韆人半仙。
春滿江南佳麗地，綠楊芳草思娟娟。

柳邊淮水一般綠，花底鍾山分外青。
閑趁游絲不知遠，夕陽纔過已疎星。
同上

林夢英 厲有

永興觀積翠樓

謂天高高由積氣謂山巖巖由積翠山中雲霧皆寶
衣天上星辰有奇字相傳筆架幾千年此是仙樓之
十二落霞孤鶩近西江青帶碧簪如八桂我思其間
光景異夜月樓空人不寐扁舟朝汛夕可至誰其飛

鳴一道士 撫州府志

賈遵祖

字季承趙郡人江西鉛山貫淳熙二年進士累
官知桂州

眞仙巖

翰林以謫流夜郎我亦何爲涉此境生平山水債未
了宦遊直渡桂州嶺牂牁江繞古融城拂拭冠纓照
清影舉頭忽見眞仙巖盤空攬拏勢馳騁天教刻削
無遺巧不知斤斧誰手秉吻如蝕月醜蝦蟇枵腹穹
窿寬一頃尸居龍見柱下史宴坐似說常清靜貫穿
石澗飛驚湍兩岸峽束垂機穽茲晨邂逅得徘徊身
到中間發深省青牛昔過函谷關我陪五老曾造請
依然一念浩劫初墮在塵埃官獨冷童兒徐甲今何
所朝從南箕暮東井當時與我極綢繆默而禱之意

相領扶携騰上虛皇前賜我金丹凌倒景

廣西通志山川

宋煜

字伯華莆田人淳熙二年提舉廣東市舶知循
州新學闢田改知惠州多善政惠人德之

鐵橋峯

拄杖何年擲向空雲端隱約化晴虹此橋端的通霄

漢誰與同遊訪月宮

譏申太芝

題朱明洞

澗流一一抱峯回面面林巒錦帳開我品洞天居第
七只應題作小蓬萊

蝴蝶洞

陰深古木護漣漪，洞裏藏春人不知。
不是桃源深有路，如何蝴蝶滿瓊枝。

石臼洞

清泉一派水潺潺，石穴端然一臼安。
洗藥煉丹仙已去，只留踪跡與人看。

遺衣壇

駕鶴乘鸞歸紫府，仙凡從此不相干。
要傳當日飛昇事，收拾遺衣爲結壇。

朱子庵

仙人自昔好樓居怪石稜層倚碧虛見說通天中有
路世間何處覓飈車

黃野人庵

淮南雞犬上雲端底事先生獨世間上界應嫌官府
足不如平地且驂鸞

羅浮山志

蔣介

淳熙三年進士紹熙四年閣門宣贊舍人明州
觀察使充賀金萬壽副使知利州項安世有送
蔣舍人介知利州詩乙未臨軒賜敕頭左班詹
監右君侯又云阜陵人物今餘幾況是當年第

一流

第一山

第一山前萬里秋，野花衰草替人愁。
中原好在平如掌，莫把長淮當白溝。

輿地紀勝

魏伯恂

淳熙三年以朝散郎知鹽官縣陳東外甥見清

波雜誌

光華亭

亭高爽塏聳牙檐，萬種森羅共一川。
坐使江山歸舊觀，欣看童稚望郵船。
柳烟烘日塵迷渚，麥浪降風翠

拍天民物熙熙樂康阜可無詩酒與君傳

海寧州志

陳允升

閩縣人淳熙四年太學釋褐

釣魚臺

羅浮山峯嶽安有釣魚臺臺居觀東隅此名從何來
昔時爨下童辛勤水與柴歲久功行完豹變山陰蘿
一朝採幽澗恍然江海涯篙師艤舟在相與語詼諧
爨童有行計篙師相與偕得魚饋主翁辭去挽不同
傍者躡其蹤扁舟往巖崖始信武陵源有路通塵埃
回視所遺魚化作溝中材古有恆眞人事豈欺我哉

太公渭水濱白頭佐□□子陵七里灘清風永可懷
爨人去幾秋魚臺尙崖嵬此名照青史此石封蒼苔
我來筆其事靈跡救沈埋山中勝事多對此空徘徊

羅浮山志

陳燿

字日華福州人淳熙五年爲淳安令時詔府州
舉行義役燿集大姓于庭多方諭之眾皆聽命

我愛淳安好 其一

我愛淳安好溪山壯縣居錦文光璀璨雉羽勢輕徐
比屋興弦誦多田力耨鋤廓然無一事林下自詩書

淳安
縣志

一陳宋輔

字公弼福建寧德人淳熙五年進士官彬州教授有文名

羅隱題詩石

詩名鼎鼎號三羅藜杖經從石上過鐵畫銀鈎難辨
認雨霖日炙莫鐫磨幽泉添硯潄浚響明月生波感
慨多小立西風吹鬢髮碧羅深處聽漁歌

寧德
縣志

范仲黼

字叔父成都雙流人淳熙五年進士五年八月

除著作郎

岑公洞

石壁虛涵雲氣深
水簾簸簸墮璆琳
客來但愛幽棲好
誰識岑公萬古心

萬縣志

熊以寧

號東齋建安人
淳熙五年進士官光澤主簿

題朱晦菴先生古樟書院壁

楊柳陰陰一徑苔
先生曾是手親栽
幾年杖屨追隨樂
今日番成夢裏來

截江網

壽史滄洲

梯旻一何高其勢如龍蟠下直湖萬頃襟抱滄洲灣
潭居占其勝縹緲雲濤間海邦形勢地秀偉此爲尊
諸湖如附庸有水俱來環元氣昔孕此停蓄固有存
挺生賢哲人象服仍貂冠道大久乃見景好人亦閑
堂堂八座貴袖手樂其天龍飛御宸極廊廡須公還
湖山雖爾佳政恐思謝安下客有候喜素仰斗與山
樞衣荷延納不弃蒯與管憐我塵土姿欲使餌金丹
祇愧坐斤骨蛻形良獨難恭惟我公賢崔嵬不可攀
茲遇垂弧旦競賦崧高篇南極正耿耿三台輝紫垣

趣起對鈞秉永輔基圖綿

截江網

張釜 厲有

曾公洞

欲訪真仙小有天
路窮崖絕俯靈泉
相君聊試濟川手
翳鳳驂鸞盡有緣

棲霞洞

雲封霧鎖半天寒
短杖攀緣扣玉關
見說碧虛風景別
儻容投老寄塵顏

龍隱洞

何年此地蛰飛龍
石壁蜿蜒尚有蹤
爲報龍公莫貪睡
郡人於爾卜豐凶

訾家洲

訾洲風物柳州文開□□□□夢魂老去一尊酬望
眼淡烟衰草莽連村

水月洞

水際空明月正圓人行月裏水如天道旁聽得人爭
指半是當年折桂仙

賓僚同遊登科者數人

慈氏閣

千年佛閣與雲齊足力窮時目力移堪笑癡兒誇壯
麗那知芥子納須彌

于山觀

小立東風紫翠顛畫屏展盡一山川非關眼界因高
別自是人心逐物遷

紹熙四年秋丹陽張公來主餉事公家世人物
文學議論推重一世而尤精於吏道始有以廣
上恩蘇民瘼首議腴鹽額於支郡以杜科擾減
送使於總司以寬漕計次則閣版籍之負教編
戶之稚津送落南之孤以出領置腰鋪增驛卒
鑿井植木以便道塗之往來凡剔蠹櫛弊勸姦
抉伏無不順民所願欲其厯懇備至疑若日不
暇給而公乃從容如平常閒則與客登高訪古

賦詩飲酒以極其歡懋閒亦綴在席末公嘗手
書是詩以見遺翰墨芒寒照映圭筆求觀者迨
今其未已蓋公之詩精深婉約能寫難狀之景
如在目前含不盡之意見於言外如前修所云
者故一言一句人以爭先睹之爲快是用鑿諸
巖石以傳示方來時公以中秘帥東廣去桂蓋
踰年云慶元丙辰正月旣望門下士雒陽滑懋
謹跋

零陵同郡太守徐榘主管仙都觀鉗愁平子
借用山谷先生韵

澹巖類古隱君子一見可洗千劫塵清曠信出世間
境經行如畫圖中人山泉涓涓不礙墜靈草苒苒非
關春題詩因昔口逕子冷眼閱盡惟蒼珉真仙窟宅
在人境應有鸞駕乘雲歸物華初見訝三島墜墨遠
來從九疑有石可礪食槩齒有泉可濯凝塵衣清逕
未足雞報午一尊會合人生稀

零陵縣志金石

曾躍麟

厲有

遊王母岡

岡空雲散淨如銀石磴層層接九宸翠竹影搖湘浦
夜碧桃香藹武陵春但看此日燒丹竈不見當年駕

鶴人遊徧瑤池歸去晚一聲長嘯月華新

粵詩
蒐逸

葉三錫

江南南陵人宣熙五年進士

題盛氏啣翠軒

平生邱壑心漫浪不羈束青山亦解意四時共追逐
朝翠空濛時北窗夢清熟晝寂庭戶涼坐課黃卷讀
此心與山違對面若掩目孱顏儼如故心境兩不觸
宴坐收萬象剖璞出蒼玉木末流夕暉窗戶影搖綠
相對兩青眼悠然一笑足此意陶潛知不然問玉局

昌化
縣志

劉褒 厲有

經畧煥章先生寵賜千葉梅佳製似笑疏花
太孤瘦故教密葉擁千層昔人所未經道真
絕唱也褒不揆輒拾餘意申呈仰丐規削

乾葉驚飛蝶躑輕疎枝綽約鬪酥凝正憐驛使來衝
雪却費詩翁巧斲冰天女手高饒剪刻玉環肌滿見
稜層何人醉作羅浮夢花杪橫參臧未膺

廣西通志金石

唐弼

字公佐廣西臨桂人張敬夫棧經畧廣西辟爲
幕僚淳熙五年閏六月棧將北歸與弼同遊水

東諸嚴題者冷水巖

和經畧直閣寺丞贈劉升之蟄龍巖二首之升

名晞經畧
李大異也

古人事業不闕書聖處工夫咏舞雩窈窕崖居辱題
品南陽端有臥龍無

倚天寒碧鎖嵌空咫尺丹霄有路通莫向明時縮頭

角風雲只在笑談中

廣西通志山川

何格非

淳熙六年朝請大夫知昌州

游太蓬

龍巖鄧少庚偕男坤錫以嘉定癸酉五月旣望
約渝南玉載之巖渠趙晉錫三江蒲熙載杖履
登山時雨初霽可眸千里相與坐白石挹翠微
酌飲空明天風汗漫忘其身之在塵世也

不須身在玉霄峯眼前滄海蓬萊同地疑弱水三千
外名在眞仙十二中功成去伴赤松子政外來從黃
石公欲下山時空月白塵緣還在簿書叢

其二

一藤直上訪幽棲空郭烟霏翠濕衣青壁倚天開勝
境碧雲凝砌隱仙扉便從禪窟求蓬石不用天台訪

紫微飲罷飄然疑羽化清風喚起玉川歸

營山縣志

玉城山醮壇

三級荒壇接昊穹岌然高峙歷諸峯祈年設醮延眞
馭旱歲飛符起蟄龍崎側斷崖人迹絕縈紆危磴古
苔封渺茫眼界窮無盡瀟落乾坤信有容分野高低
連普遂山川指點極浩漭橫斜下接行商路天矯偏
多偃蓋松鳴噎迥聞孤壘角丁當時聽夕陽春風清
終日塵難到地暖非春草自茸石水發茶雲脚白金
甌勸酒潑醅濃隼旗出郭乘無事楚女行雲不見蹤
幸忝承宣頒一札因閑勞苦問三農擬題賦詠慚張

籍欲紀絃行愧李邕陶菊摘殘花尙在趙衰可愛日
方冬少留待看霜天月苦悵催歸別寺鐘老境所存
翰健筆新詩無敵敢爭鋒始知天上張公子的是商
於秀氣鍾石

沈揆

字虞卿嘉興人淳熙六年以朝奉郎知台州號
儒者之政官至禮部侍郎

夜宿國清寺題更好堂

堆案文書在眼邊身閑俱是好林泉乞渠解褐休雙
足爲結口中飽睡綠

天台別編

孫汝勉

字堂夫福建寧德人淳熙七年特奏名官監鎮

白鶴山

梵宇深深小逕回兩崖如峭立崔嵬直疑隱客曾吹
裂或是山林爲劈開林靜烟空時透日溪喧石老半
侵苔涼生佛骨雲生鉢閣住紅塵不入來

寧德縣志

唐仲溫

淳熙六年知仙居縣

三井潭報雨

夜宿精蘭百慮清晨移祠下勺酒亭須臾水府收溫

刺始信神龍果有靈

仙居縣志

舒邦佐

邦佐字平叔一字輔國號雙峯靖安人淳熙八年進士主善化簿遷衡州司錄參軍紹熙中朱文公帥長沙以疾乞歸著有雙峯藁

雨後卽事

昨日雨不歇薄晚雲未收更闌望天宇雲靜月如鈎
曉開讀書窗日光潑雙眸蔬食羹一盃起傍吾廬遊
一洗塵土盃水竹清更幽問花無恙否低面含嬌羞
驗筍長幾何突角淩羊牛前日移新荷常恐水葢頭

池邊報平安小葉三四浮竹林叫鉤輶柳陰鳴栗留
趁晴欲雙飛更著喚婦鳩物適吾亦適投筇思悠悠
却歸堂上坐蒼頭獻茶甌兒聲清且美讀書如瀉油
靜裏無聲樂閒中不繫舟不知腰金公曾識此樂不
我生微官縛有如冠沐猴常恐舍此去永愧池上鷗

讀退之傳

退之二十八三上宰相書晚折王庭湊罵佛戒鱷魚
少時及壯歲君試觀何如士養要如此含抱凌太虛

以上江
西詩徵

黃由 厲有

共樂堂

纔到松陵卽是家滿堂佳客滿園花看花揖客須清
賞休向人間俗子誇

聯德堂

纔到松陵卽是家便須洗盞泛流霞軟紅塵裏風波
惡不似江舩與海槎

茆堂觀奕

纔到松陵卽是家茆堂萬竹綠交加午窗睡起無他
想坐看圍棋到日斜

登明月臺

纔到松陵卽是家
擎空皎月瑩無瑕
自須臺上分明看
擬欲呼仙泛海槎

登攤書樓有感

纔到松陵卽是家
樓高不管綠楊遮
有書萬卷時翻弄
千古興亡幾歎嗟

道院獨步

纔到松陵卽是家
參天檜柏古槎牙
杖藜終日頻來往
不羨堤邊路築沙

登三清閣

纔到松陵卽是家
三清閣下寂無譁
小臣愧乏絲毫

報深炷爐香靜點茶

入園

纔到松陵卽是家故園喜聽雀喳喳上人只爲貪風
月蠻觸交爭笑爾蝸

睦鄰

纔到松陵卽是家民間何處不桑麻欣欣老穉迎門
笑斗酒相歡亦孔嘉

無題

纔到松陵卽是家休論恬淡與榮華古來顏路俱塵
土自有時賢定等差

思親

纔到松陵卽是家仙翁詩句發天葩鈍才不及賡餘

韵留取時時罩碧紗

吳都文粹續集

澤卿蘭亭攷用工深矣攜攻媿大參詩見訪

次韵併呈放翁待制

字入昭陵不可摹後來僅及晉之餘識真盍向龜堂

問敢謂牽聯亦得書

蘭亭攷

趙庚

字叔初泉州晉江人淳熙八年進士歷廣西常

平幹官帥蔡戡除次對庚以詩賀之戡感其言

乞祠歸後客五羊廖槎溪爲帥尤加敬焉及卒
貧甚門人黃以寧葬之

賀蔡撤除次對

腰金不足爲公重懷寶無瑕乃席珍

泉州府

宋詩紀事補遺卷五十四

男內閣中書樹屏校

宋詩紀事補遺卷之五十五

歸安陸心源伯剛父輯

陳邕

字叔文潭州衡山人淳熙八年進士二年除校書郎添差通判江州乾道間靜江府教授

岑公洞

武陵種桃人香山茹芝老世變百戰酣仙境一蹴倒
場虐浮於秦海寓爭飛狷真人避世翁知機一何早
萬里恣遠遊一壑供却掃人間別有天海上應無島
我行經南浦奇跡事幽討出門霜落木呼渡江空潦

莫言不能飲笑起同醉倒何以侑我觴泉音玉琴操

萬嘯志

曹彥約

彥約字簡甫都昌人淳熙八年進士累官寶謨閣待制知成都府以華文閣學士致仕卒諡文簡著有昌谷集宋史有傳

挽故丞相忠定趙沂公

對策飛龍日宗卿夙所期時來人激烈身定國危疑
一德三朝老孤忠百世師是非空貝錦銘篆有鐘彝

夜坐

道人心事自幽閒
身在星流羽檄間
吏退燈前書到
眼袖爐烘暖鴈鴝班

帥相泛巨舟東下水淺不可進盤旋三日僅
至菱黃浦率同行就此作別簡以小詩

半日寥寥離岸鼓萬斛龍驤發南浦
戈鋌照日牙纛明百丈舂啞更雙鷁
眼前突兀勝華屋前廳中堂後園浴主人
燕坐擁歌舞晝捧金樽夜銀燭
吳人餘皇那可比漢家樓船聊爾耳
有時但可濟舟師無事只堪橫野水
太平州縣邊無諱行所朝夕如居家
恩光草際碧弄色心事柳梢黃
茁芽我亦同時浮一葉葭

葦作篙蒲作楫坐久久伸頭觸蓬臥多展轉衣成摺
旁瞻畫鷁如飛動絕似茅茨望梁棟春花嬌面秋月
眉爭妍不到書生夢誰知淺水雞籠山順風不下留
驚灘津人用盡如神力長年三老忘朝餐嗚呼材具
各有用杭稻不生種種種涸轍聊濡鮒魚沫大壑方
觀巨鱗縱我生簡便非憚煩坐觀燕蝠爭晨昏瞥然
便轉子猷棹明朝直到章江門

次韵蔡元簡麒麟湖莊之句

雞本憚犧先斷尾燕粗能巢聊葺壘漫郎無用却歸
來得熟道傍真苦李誰家買田緣當戶何人種花紅

照水君詩讀罷已忘機
撲漉沙鷗隨處起

方南康席上觀贛妓秀英作墨梅竹

南州佳人號秀英
竊弄毛穎親儒生
解衣旁若無我輩
疏梅矮竹真天成
公主朝粧弄眉墨
誤作鉛華污官額
此君劍氣藏鋒鋦
張顛幻出公孫娘
我來忽見驚人目
張八何生魏何熟
酒酣耳熱且勿喧
爲我慙慙寫雙幅

送十三郎赴尉漢陽

宦路今如此親闈望已深
是誰門戶責慰我父兄心
鏡裏休頻看杯中但淺斟
前賢官業處端的要追尋

宋詩五十五
此地關情久，涓厖好士民。向來同患難，今歷幾秋春。
綵棒迎新尉，綈袍說舊人。爲言昌谷老，寄語益相親。
出郊偶成呈府判知縣三丈

奉行三尺令，問訊十分春。雞犬柴門曉，牛羊草徑新。
遠投雙嶺寺，頻見耦耕人。我亦江南客，爲農頗識真。
去郭喧囂遠，空江氣象寬。柳絲含絮媚，梅退著枝酸。
物外登山好，公餘盡日歡。歸遲應犯夜，暝色古江干。
聞官軍收復新息

降敵知無日，和盟事已休。百年艱國步，九世憶家讐。
獲蔡馳新捷，收京有定謀。可無吞并慮，馬健更防秋。

湖莊雜詩

萬頃蒼茫外三年種植初
路回深吠犬藻密暗游魚
舊酒春同盎新茶雪不如
稍修遺老傳忘答故人書

課園丁洗竹

種竹年華晚新添數百竿
低垂非我好冗長要人刪
直節心期露疏行眼界寬
從今風月夜清白足相安

望廬山

暮年秋色戀江鄉酒熟魚肥蟹着黃
已見廬山非入

夢一帆風穩趁歸航

昌谷集

送綿竹王主簿

渴想才名不計年得詩甜處徹中邊知君眼裏藏青
白託意盃中別聖賢萬里偶逢多幸耳一朝相別兩
茫然營歸蜀道州涂穩莫泥噉吁信謫仙

湖莊述懷

昌谷喧聲漸屏除湖莊新意亦空疎遠栽夏木來鳴
鳥短截寒篔縱小魚架有空籤聊貯藥樓無宅用祇
儲書病來得惰因成趣此外于人百不如

湖莊春晚

栽種成陰恰十年水光山色靜無邊杏桃賞徧春容
老松竹添多晚力堅向有味中求冷淡好寬懷處且

盤旋干戈漸說邊塵息朽木因依得晝眠

憶歸口號

初無警策驟驚人亦不媿媿巧進身每向經筵持正
論願於國脉獎忠臣昔從新政趨巖名今爲衰年避
要津陛下果能行古道雖閒猶是太平民

湖莊雜詩

雨後人家菜麥香旋渦流水亂橫塘青春未有闌珊
意付與游人自此忙

家家有分開桃李歲歲相親舊燕鶯老子今年風味
惡稻針麻甲尚關情

毛希元提幹有廬山癖旣卜築居之又作臥
龍樓與玉京道院一時諸老皆爲賦詩矣知
賤子非所長而亦令賦何也作三絕句資一
笑

錦繡裁成九疊山山山佳處水縈環無心但有雲來
往看得高人取次閒
臥龍消息合爲霖別派先通一綫心若向祁山聽響
震定知梁父不須吟

玉京仙境發山謠未把芙蓉意已消此處尙堪詩興
在當年行樂亦云聊

昌谷集原注太白之言九疊總廬山之名
耳今人專指山中數培塿以名九疊不台
古意希元經始臥龍得一綫之泉于石間
冬夏不竭玉京以山得名希元意不爲永
業以道院目之其字或作玉京一名上京
嵩明所謂疇昔家上京太白手把芙蓉朝
玉京皆是山也庚辰十月
乙酉書于湖莊所性堂

劉棻

字仲則莆田人清熙八年進士初爲紹興府嵎
縣令以政最當進京秩時韓侂胄禁僞學力乞
通判漳州而去朱子聞之曰仲則辭內而就外
不可及也嘉泰元年召除著作郎累擢侍御史
兼侍讀奏乞彭龜年首論侂胄之姦居位盡忠

乞賜美諡復乞增糴本賑饑疫罷四川魚水錢
嘉定六年爲江淮制置使八年擢工部尚書兼
實錄院修撰尋致仕築堂于西郭廬山廬曰友
于未幾卒諡文肅著有劉尚書集劉克莊爲之
序

鳳凰臺

鳳臺何亭亭迴與雨華對想高一登眺秋事渺無際
鷺洲賞心前牛首秦淮外萬疊雲稼橫百纜風檣會
瞻言簿書隙載酒邀華旆翰林許百篇生公法三昧
皮膚雖不似妙趣總相類懷古睇平蕪可但高李輩

憶昔耿與韓造膝陳大計高光課厥成一語不相戾
江淮今清晏河路尙腥穢蛇豕相噬吞天已厭戎裔
箕歛民弗堪惡稔將自斃憤激聞雞舞慷慨中流誓
只捶仗皇靈喋血咎其背燕然彼有石深刻詔來世
兵強在食足萬寵餘廩膾叶奏鄼侯功接武文石陞

景定建
康志

羊角山

羊角仙人在何許江南杳靄蒼烟暮空餘拳石在人
間至今指作神仙處當年館宇幻玲瓏只今阻絕那
能逢市上無非神仙輩人心自隔蓬萊宮我來訪古

思綿邈月滿譙樓夜吹角神仙咫尺不可知汗漫帝

鄉何可期

撫州府志

傅成

毘陵人淳熙八年進士

妙庭觀

天風萬里有霓旌紫鳳青鸞上玉京故宅一區千古

在夜深惟有月華明

富陽縣志

趙燧

字景明淳熙八年官朝奉郎權發遣江東提刑

東萊門人

挽呂東萊

道統誰傳授源流易失真滔滔皆四海亶亶獨斯人
業履羣經粹詞華一世新可嗟天不憖難贖百年身
近接南軒訃公今事亦休彫零數耆舊牢落一山邱
吾道將窮矣蒼天可問不雙溪樓下水應共哭聲流

邵普

淳熙八年知桐廬縣禱雨多應

龍潭山禱雨詞

山迴環兮古龍湫木蔭翳兮枝相樛轟雷掣電兮耀
靈虬膏澤滂沛兮歲有秋

又

奠桂酒兮椒漿禱穀蔬兮薦堂隍願龍垂庥兮厥雨
賜豐年之報不敢忘

徐枏

字晉臣涪熙九年仙居令見赤城志

題集福院

松谿竹隴密藏村行盡杉陰始到門一鳥不啼春有
思千山都綠燒無痕自憐俗吏塵埃久來伴禪僧語
笑温餅水鑪香三十載閱人此地幾朝昏

天台別編

郭仁

字案之江西吉水人淳熙十年解試始遷海寧
封忠翊大夫

分菊

小畦香雨碧颺颺分得新苗旋作籬爲待繁英供採
掇故尋異本開芳奇野人自愛編青障老圃先教擁
綠泥濁酒豫拚重九約狂風莫損最高枝

宋詩拾遺

陳楠老

福州人淳熙十一年特奏名

萬竹菴

青山迴望合萬竹淨娟娟寶殿晴光冷瑤堦翠色妍

龍吟明月夜鶴舞早秋天坐聽涼風發軒櫺響澗泉

建寧府志

徐得之厲有

玉笥山鄧仙

江作綏藍繞髻鬟令君心事每相關要令白叟黃童

輩如在清江碧嶂間

輿地紀勝

雙井圖

異時生出鬼門關及去宜州竟不還意者早知名是

累持鋤應只在家山又

衛涇

涇字清叔華亭人徙居崑山登淳熙十一年進士第一人累官參知政事封秦國公卒諡文節著有後樂集

悼倪尚書

歷事三朝久清居一世尊心惟在王室手不炙權門
橫浦流風好香山逸興存經綸未渠展此意向誰論
舊草揚庭制旋高曳履聲曾襟忠憤切官職去留輕
定力鰲爲動浮言蜮自鳴太元從白首性地轉分明
入館論心舊同朝託契長鱸鄉各歸去鷗水久相忘
正喜山中隱俄傳橘裏藏遺銘最奇絕讀罷淚淋漓

後樂集

汪雄圖

字致遠，淳熙十一年進士，歷峽州建昌教授。學者稱李頤先生，著有李頤集。

黃山採藥歌

黃山青兮峴巖三十六峯兮，森起草芸芸兮金吐華。
石澗澗兮玉成髓，若有人兮薜荔衣，掬芳潤兮凌險。
巖朝擷英兮巖寶夕攬秀兮，溪澗招浮邱兮爲侶，豈
劉阮兮自迷療膏盲兮，下土陪軒轅兮與歸。黃山志

謝直厲有

山居兩首寄朝中故舊

苒苒年華漸向西可能回脚下塗泥靜收營慮還書
卷少有工夫入菜畦潔甚水蒲邊白鳥翩然風柳下
黃鸝猶嫌宿處聞雞犬更待移深過虎溪

造化涵洪靡不容近分一谷著愚公地因沙漲偏宜
竹山爲巖多却凝余夜靜圖書天曉睡臘寒薪火暑
天風獨慚道學工夫淺却比先師不屢空

天台別編

石應孫

泉州晉江人貫儀徵大昌子淳熙十一年進士

遊黃山

山川形勝雄江東九華輝映天都峯傳聞蚤已盪胷
臆恨不插翼長相從渴來隨牒官秋浦城郭奔馳厭
塵土挈家捧檄過臨城偷閒兩作煙霞主黃山登覽
原無由何期易地太平遊清池軒豁日舒麗突兀樓
觀榜深幽憑高徒倚傲心目絕壁半天橫碧玉迴溪
千里指顧間螺髻分明三十六壯懷高向紫霄懸俯
視培塿眞一拳古今秀色餐不盡筆端收拾生雲煙
萍蹤倘未逐流水古刹相望二三里暇時風月得交
游鷗鷺同眠勿驚起

黃山志

百花洞

我試問陽和洞間誰是主盡日立東風百花無一語

桃花洞

桃花五色四時開片片香隨礪水來况是軒轅曾手
植紫煙深處有樓臺

水簾洞

珠簾費巧水晶裁萬古垂垂濺碧苔幾度月鈎鈎不
上孤雲難入此中來

黃山志

題南山

孤鷺去邊天浩渺萬家窮處水灣環嶺外此州爲道

院風煙殊弗類南蠻

輿地紀勝

鞏豐厲有

芋泮嶺背聞雨聲滿山細聽林上槁葉風過
之相戛擊而成音後先疏數中節清絕難狀
漉籠夜雨未足爲奇

日未出扶桑雲猶屯海嶽宛是欲雨時朝陰凜巖壑
霜林亂葉多荏苒乾未落颯颯滿空山細聽微雨作
一葉初自吟萬葉競相謔就彼最高枝相摩應宮角
燥響欲相憑風來能領畧須臾不聞風但聽雨索索
是雨亦無奇如雨乃可樂風停葉靜時雨從何處著
霜野物聲乾終帶塵土濁篷音非出虛瓢音太傷朴

得似此聲清蕭灑過笙鶴天籟者非耶夔襄不能學
送湯麟之秀才往漢東從徐省元教授學詩
士游鄉校閒如舟試津浦所見小溪山未見大島嶼
一旦遠游學如舟涉江湖所見寢以廣變怪驚龍魚
人生本自有邱壑陋巷棲遲窮亦樂何必三江暨五
湖始助習中疆界拓我言隨寓耳目移馬遷所以游
會稽向令俯僂但京國未必大放雄深詞君今濯秀
雙溪水下語不凡真可喜若使循爲舉子文定自棘
門兒戲耳古來妙技如屠龍不療飢餒徒爲工不如
高科取富貴如一棗葉持鍼鋒挾冊將遊隨子國親

賢況是諸侯客曾將好手冠南宮行當闊步趨文石
奮飛欲往氣莫降蒹葭莽莽天雨霜揚瀾左蠡吞九
澤大孤小孤插長江請停詩筆莫容易大易聯翩且
周禮將改經從徐路途千里負笈人併以經途相指似

大孤

大孤小孤在何許大磯小磯忽當浦頭風吹浪未肯
停厭聽蕭蕭打篷雨今春積雪深復深爛銀猶照廬
山陰狐裘欲脫未可脫蟻齶當斟誰與斟晚來潮面
烏如石遙看知是長魚脊篙人且下鐵狸奴更與風
波鬪今夕

詠豫章蕉葉素扇

寶月乘鸞空復情，頗嫌携重愛携輕。
犀皮赤柄終傷俗，細骨洪蕉竟入清。
格調不殊蒲處士，工夫全藉楮先生。
文饒空賦桐花鳳，絢麗虛成書史名。

李衛公有書桐花鳳

團扇賦

海棠

衙子來東海，仙巢有鳳雛。
華開新棣萼，苔結小茱萸。
富貴天專與，嬌柔韻不癡。
輕盈飛燕趙，韶麗彩鸞吳。
入譜雖千品，傾城但一株。
霧藏雲體魄，霜染雪肌膚。
酒暈欺西子，冰姿笑藐姑。
暖風脣破玉，寒雨淚凝珠。

蝶喜穿油幙蜂羞賦蜜租葉如疎復密香似有還無
淨濯岷江錦濃施楚國朱欲眠須客去佯醉索人扶
劍外空逢杜黃州却遇蘇已多歸綺繡唯未入氍毹
氍毹花多麤未見有作海棠者金谷非佳妾雕陰是醜奴自珍紅頰
輔應怪白髭鬚照樹呼銀燭澆叢命玉轡有詩曾送
別無力爲爐枯尤物空凡馬芳春過白駒尙憑花藻
鑿摘句已成圖江湖後集

明道東萊先生之葬豐旣爲文以侑奠所以
尊道德述行藏之意雖畧備于詞而悃悃繼
綬之私有未盡究者豐自弱冠卽獲拜先生

於山林追數門人莫如豐舊己丑庚寅之歲
先生遲次金華分教嚴瀨己而校讎道山豐
皆獲裹糧負笈以從如是者數年齒壯而家
甚貧遂迫於課試月書季攷往來庠序歲時
逝於水陸自是亦寢疏於函丈矣今年秋九
月始以上舍生第進士幸無舉子累可以竊
數年之暇終事先生於寂寞之濱而九原不
可作未知幾流涕痛哭長太息而可以伸此
恨也乃依唐人張籍祭吏部昌黎韓公之義
賦古風一章其聲韻名數如之庶幾寫豐之

牙言五十三
悲而補文之所不及焉其詩曰

鳴呼呂夫子天姿素顛昂文獻紹家學刻意稽虞唐
看書眼如月洞照所未詳雲霧養豹質桑尊琢龍章
椎鋒裹頭歲躡足遊四方取友半楚越篤志日自強
著眼囂塵上口不掛否臧堅車遵大路驂轡多王良
筆陣萬人敵嚴嚴亞夫營旣壯道愈焯維斗揭太常
朝路閱時變有意夫明昌嗚呼命非耶一病俄殂喪
百年能幾見痛在予衷腸恭惟經濟學日就而月將
便便五經笥笑視古錦囊訂史參理亂一一堪施行
聖伏道絕塞繫我爲發明無心著師說獨遜時輩聲

盤礴九雲夢宵次莫與京爐烟對姬孔脫落翰墨場
耳目所纂緝如春之發生退然避時譽歛衽不肯當
居憂寄蕭寺舉俗載其名戶外履常滿攝齊願升堂
樹陰敷晝戶靜對書一床是中亦何有乃獨不可量
吾則不爾拒歲寒冰相望嗟豐幼甚愚聖讀初濫觴
先生與之進聞見昔未嘗摳衣莫我舊歲籥今幾更
山林有陳迹尙想曳杖聲精衷無渝泐氣序有翁張
俛仰十數載淹留竟奚成羣趨競場屋意氣無激揚
荏苒去函丈有愧弟子行冊府羅鷺羽尋拜尙書郎
明堂資眾木待公舉脩梁豐時遊庠序門牆邇康莊

偕我二三子振袂時鸞翔黃塵烏帽底自覺神觀清
每伺趨局暇進揖班馬香先生爲疇酬講貫忘暄涼
于時萃英髦王路均且平蘇醒憂國病斟酌鑒古情
門外有過轍頗怪來往并再歲感末疾長江理歸根
江濱多送客飛蓋鷲鳧走實厭眾味食魚必河魴
豈其嗜野菽而置稌安秬敬願持此心不厭道阻長
及歸供灑掃藥餌常侍旁庶幾秉一炬上接星宿芒
師門謝賓客童穉亦歎驚唯有舊學徒尙俾承餘光
神閑造冲邈氣定絕慨慷嘯傲羲皇上稅駕無何鄉
今歲二月中豐入須女城床下拜龐老城隅有幽坊

維時春氣和天宇新霽晴先生呼我俱緩步臨前楹
露菊擢翠羽風篁韻繁箏晝坐欣至夕話盡一再更
誨言皆砭石易知復難忘委曲到肝鬲如啜黃昏湯
出門九徘徊三復心遑遑提撕不予弃感切涕泗橫
先世有遺書故墟有山房尚冀疾有間挈領提其綱
敢以學爲嬉坐使素業荒誓當服明訓爲衣不爲裳
筆著將脫藁後生有憲章家傳人誦之豈但師張程
研精固有造棲遲詎無成嗚呼寢門慟茲禍誰使令
天高不可訴仰視空茫茫枯琴在東壁遺履東西廂
未續千古淚桂魄三闕盈慨昔身健日浮言多謗傷

黃鍾自疏越鄭衛徒錚錚事定蓋棺了玄黃閱青箱
堂堂那復見薄奠攄寸誠斯文倘有繼師道其張皇
矢心薦明燭精爽庶歆饗

周牧

字善叔福建寧德人淳熙十一年進士累官直
徽猷閣廣西經畧使知橫州

超覽亭

翠微深處著亭臺抖擻紅塵雙眼開嵐影剩添盃色
好泉聲不帶市喧來竹間啼鳥破山寂天際孤舟界
浪回占斷鶴峯無限景何如杖履日徘徊

資聖寺

點點晴光滴翠藍參天松柏影參參穿雲日閱客千
數汲水時聞僧雨三俗子繞登山勒馬禪心常共月
同龕烹茶亟取盈瓶雪一味□□清頰含

寧德志

葛洪

字容甫東陽人少從呂祖謙游淳熙十一年進
士年垂六十始脫選調召除藉田令守盱眙陞
提點江東刑獄入爲樞密院編修上疏論將帥
之弊帝嘉納之進直煥章閣兼國子祭酒拜參
知政事封東陽郡公所著有奏議涉史隨筆蟠

室集凡二十四卷

遊天宮寺

昔日經遊處如今意已荒
知君曾命駕爲恨失褰裳
境好因人勝詩看著脚忙
會須重定約暇日共相佯

涵碧亭

雨歇留蒸濕明來得翳涼
雙嬉魚欲動萬箇竹添長
景到煩詩答歡多厄日忙
茲遊端勝絕不是學口陽

東陽縣志

中興寺環翠閣次喬夢符韵

蘭若憑高處風虛閣自涼
川林翰望迥日月對開長

又
洒落幽人暇奔馳俗累忙何時足生理卜築並

劉大謨

江西寧都人淳熙十二年特奏名官南嶽監

遊資縣重龍山

何年卓錫倚層空樓閣遙聯紫極宮
曦寫遠馳青海外人家羅列翠烟中
虛堂縹緲高僧定小徑微茫下界通
盡日徘徊渾不厭虬松鳳竹藹葱蘢

資州直隸州志

鄒補之

字公衮衢州開化人受業朱呂之門第進士淳

熙十二年以從政郎充常州學教授慶元中知
休寧縣新學校修祠宇嘉泰元年通判江寧府
尋致仕著有毘陵志春秋語孟註兵書解宋朝
職畧

題古城巖

依然雉堞古城基開創由來自漢隋南北兩門餘舊
日黔黎百歲話當時循山澌澌陳公竭鑿石巖巖葛
令碑萬丈懸崖如削玉也應容我恣題詩

徽州府志

采詩紀事補遺卷五十五

男內閣中書樹屏校

宋詩紀事補遺卷之五十六

歸安陸心源伯剛父輯

徐夢發

浦城人登進士淳熙十二年以宣教郎知甯德
縣政多平恕累官廣東招捕使元兵下江南死
之

超覽亭

壬子歲一月亭成始宴賓扁題原用舊輪奐喜更新
遠眺江逾碧靜觀山自春亭邊泉更好一洗簿書塵

龜山禪寺

久困焦熬裏持香謁二禪會留一宿覺了得寸心緣
鶴識小溪路鐘聞上界天龍湫分勺水法海遍三千

支提禪寺

來謁支提古道場幾年袍錦韻猶香芙蓉夢裏僧趺
坐簷蔔林中佛放光禪語了叅一宿覺塵緣頓悟半
生忙若分座上龍王水免使春田待插秧

甯德志

張元觀

南城人淳熙十二年進士蕭之敏婿

翠雲山

未了人間朱墨緣強顏荒邑又三年填胸眯目皆塵

士直到峰頭始豁然

宋詩拾遺

司馬儼

夏縣人清熙十三年知海陵縣

仲夏賞月次雪齋韻

世事故前定冥符今夜圓詩同人偶合酒與月俱全
萬物自有數一毫皆係天人生莫惆悵對景數招延

燭湖集

司馬道

夏縣人儼子

仲夏賞月次雪齋韻

邂逅成佳約持盃喜月圓素華于頃淨樂事兩家全
念舊驚同日裁詩似先天他鄉欣得此後會肯重延
燭湖集

郭秉哲

字睿伯臨安人淳熙十三年解元

秋日郊居

一葉驚初下頰襟喜復清雲邊開岫色風外送溪聲
菊引陶潛興萼牽張翰情迎眸秋色遠頓覺杖藜輕
題畫

蕭蕭風雨聲一夜入修竹中有遺世人歸雲掩茆屋

宋詩
拾遺

岳甫

字大用池陽人武穆之孫高熙十三年以朝奉
郎知台州兼提舉本路常平茶鹽十三年十二
月移知明州十五年除尙左郎官

巾山曉望

角逐東來幾巨鼇化爲莫位兩山高江楓作意紅干
疊野水何心綠一遭露洗松顛沈曉籟霜明天際察
秋毫會須竹院求餘地歲晚安閑讀楚騷

天台別編

胡融 厲有

遊天台諸詩

望海石

枯籐拄苔磴長嘯凌秋風
天空白露下碧落磨青銅
夜半見海日發軔扶桑紅
支與流水出沒白浪中
久誇坎井見始知天壤空
招手喚海童寄書蓬萊宮
我欲蹲此石投竿慕任公
巨鰲儻可得持馱江□□

鍊丹井

荒巔有野井古意豁冥搜
蘇石已摧剝雲蘿閱清幽
憶昔抱樸翁煉液棲高丘
朝飲井中泉暮濯井下流
丹成已蟬蛻巖花幾春秋
但見虎豹蹄印跡碧螿頭

舉瓢酌寒泉一飲銷百憂日暮洞恍惚攀桂聊淹留
此詩宋詩紀事從台州府志錄出僅有八句而以丹成已蟬蛻接煉液棲高邱下

墨池

世傳王逸少嘗讀書華頂又有白雲先生者
今從招手石泐磴而下巖岫杳靄處有黃經
洞先生之隱也聞逸少嘗與先生裂素寫黃
庭於此故名黃經先生羽化遺書多藏石壁
好奇之士往往窮搜於崖广藤蘿之間今磴
棧蒙翳洞穴冥絕聞有二虎乳子其中尋之
者自崖而返墨池在絕頂右軍書堂之側書

傳不載得之野老云爾

吾聞逸少筆入手鉅如戈結廬在華頂鑿池派天河
書將鬼汗寫墨還神手磨挾藻卧白雲秃兔堆成坡
臨池日月遠素流變玄波咨嗟撫遺蹟寒猿啼薜蘿
搏壁尋瘞鶴入洞求換鷺長松落青陰石巖空摩娑

書堂

右軍本清真名題列仙籍朝披赤城霞馮崖望南極
不讀人間書誅茅近東壁松窗拂青靄石架橫野色
草聖天僊求竹扇山猿覓不有鐵石心敢邇虎豹跡
高歌振林木上與霄漢迥時有太乙星擁杖照几席

黃經洞

平生山水癖遐往心獨歎探秀凌丹丘忽遇白雲子
腰劍蒼龍活野袂青霞起邀我石洞行共坐啗石髓
架有黃庭經猶是東晉紙粲石錐畫沙其字大如指
口傳卻老術長跪與進履吾心在魏闕焉得給薪水

伏虎壇

顛公天人師猛虎屢欲噴形體掘槁木鷲心化爲仁
猥廁龍象側而作猫犬馴礪齒怖天魔掉尾迎山君
西伯困羸里仲尼畏匡人人心害賢聖寧與猛虎鄰

葛仙茗園

絕巘匿精廬蒼烟路孤迥草秀仙翁園春風坼幽茗
野僧四五人腦紺瞳子炯攜壺汲飛瀑呼我烹石鼎
風濤瀉江灘松籟起林嶺七椀鑿郝源一水鬪雙井
我雖冠屨縛心樂祇園靜濯足卧禪肩幽夢墮蒙頂

葛仙宅

仙翁卧雲日種松藥鑪東千載鱗鬣古突兀成老龍
蛻骨入霄漢橫身飲長風上有玄鶴巢下有白蟻宮
先生昔羽化雞犬盡凌空如何刀圭妙失此十八公

桐柏山

清曉騎白鹿直上桐柏山山環若城郭琪樹鬱參天

青猿導我路如入崆峒巔
瑤艸被阪綠瓊蕊凌霜繁
旁瞰老子宮玲瓏隱林間
聖棟天馬出絳桂雕龍盤
歎與冥寂士共談秋水篇
散髮松下嘯拂霞石上眠
贈我玄玉膏相期凌紫烟

瓊臺

瓊臺插天中僊聖展遊眺
亭亭珠玕樹蒙日光照耀
上有天樂鳴嘈雜聲要妙
浮丘倚巘聽玉女排雲笑
茲遊償夙心時聞入鸞嘯
攀莖茹金芝援藟愛青峭
琅琊失孤岫渤海播圓嶠
抵掌唾客星石瀨坐投釣

雙闕

朝遊雙闕下遂登雙闕上峻壁束清溪石扇闔奔嶂
旁通風雲氣下蓄關鍵狀高踰劍閣竦狹過彭門壯
我行季秋月霜飈掃霾瘴崖枯水還壑巴峽失清漲
矯步凌丹梯陟嶮神愈王作書遺家人咋指悔狂妄

玉霄峰

青冥玉霄頂靜夜無纖埃手攜赤松子拂石坐蒼苔
舉瓢呼海月長虹貫金罍挂劍桂樹枝洗手天河涸
我欲鏟崖嶂涉海登蓬萊要觀中洲碎鼓柂雲濤堆
風波雖可越長鯨正崔嵬

桐柏碑

韓公在大歷高名懸日月遊戲翰墨場八分獨奇絕
遙嘆雖邈鈍近鄙伯階拙我來桐柏巔洗眼見碑碣
肆吼挾風霜鍾算粲成列龜跗闕琳宇鐵畫照清越
至今瓊墨工石本走胡越引岫拂台山山盡字乃滅

天台
別編

陳峴 厲有

偉觀樓

平生足跡窮遐陬一麾更守湖湘州西接懸崖五溪
曲南望渺極蒼梧悲天涯牢落孰慰意千嶂倒影三
江流千里脈絡口要會意趣端與江山投羣峰四遶

立碧玉帶映林薄如雕鏤虬蟠虎聚互起伏天作地
湧非凡儔郊村依約半洲渚遠明天際來歸舟湖南
素號清化地一旦呈露疑神謀作成英奇易舊觀俗
化遠與鄒魯侔寄語後來毋泯沒共保佳致傳千秋

全州觀風樓

江源發蠻荒來與湘灌遇交流趨城隅清映日東注
羣山半楚越馳驅若競赴譙門百步南樓堞此雄踞
觀風久標名棟宇初改故極目渺塞嶺蔚起矗雲霧
千里聳翠碧眾水橫練素古寺帶林薄漁艇依荒渡
村墟互隱見風烟自朝暮東西亘井絡碁分雜營戍

偶值豐登年樂此保生聚秋風黃花天良集盛簪屨
肴觴固匪虔藉此山水具登臨方興深諸君幸少駐
廣西通志勝蹟

陳紀

字仲禮甯德人淳熙十四年特奏強敏有大志
試胄監呂東萊擢置首選李景和使北辟紀偕
行歷知邵陽縣柳州藤州英州三郡皆有政蹟
展旗峯

寰中孤突接微茫秀向西來萃一鄉三邑根盤龍起
伏二儀氣結鳳騰翔影橫月窟烟霞古勢逼星河雨

露香今古鍾靈原有自兆呈勳績著旂常

甯德志

王居安

屬有

同林逢吉過小溪寺二首

方巖勝處是仙家時有輕雲薄霧遮我欲去時君共
去遡流而上看山花

濃陰閣雨未全收屈指相將禊事修不必山陰尋故

地小溪曲水更清幽

天台別編

王仲衡

號栢軒江西豐城人清熙十四年進士授新昌
簿居官不詭隨累官知建昌軍著有文集

題蘭亭帖

英華最忌彫元氣骨瑩神清被禊時蠶繭鼠鬚雖我
助家雞野鶩竟誰癡梓棺賻襚從英主玉石遲留肯
裔夷今日中原陷荆棘摩挲墨本鬢成絲

題袁氏本蘭亭

昭陵忍死覓繭紙月在長空影浮水來禽不傳練裙
毀婢作夫人喪容止家雞野鶩知何似醜婦撫膺羞
欲死君家所藏修禊字如雉畫沙質無比定武長沙

蛇蚓爾蘭亭攷

卷十

陳龜年

温州永嘉人淳熙十四年進士官洗馬

龜山

山是東南第一峰長淮古汴渺連空登臨不是觀泉

石心折神臯指顧中

輿地紀勝

遊淨社寺

古寺何年斲山空一片雲喬松含晚翠修竹洒清陰
老衲朝陽綴睢雉帶雨吟俗緣何日了借榻淨塵心

温州府志

朱權

字聖輿號默齋休甯首村人淳熙十四年進士

歷官知惠州以材局聞有訥言十篇末議四篇

默齋文集二十卷

見行狀

紹熙辛亥歲遷居星洲述懷

別墅今爲宅芳洲古號星一溪縈似帶羣岫列如屏
繚繞蟠龍勢迴旋翥鳳形紫峰鍾美瑞秀麗炳神靈
峻嶺通山去寒潭對剎渟顏尖雙傑出斜谷獨深扃
鷗鷺遵幽渚牛羊散遠汀春光分外野秋月可中庭
築室歌鴻雁謀鄰詠鵲鳩來居猶未久補弊不遑甯
愛竹留新筍看松養茯苓採山收美茹釣水得鮮鱗
檠短親諸子窗明勘六經桂香思壁水槐影記楓庭

事業姑藏器功名會發劍豈無牙父志當遇子期聽
鷓鴣須逢運驂騮豈戀坵秭今時合待拄笏謾名亭
以上新安
文獻志

危正

正原名科字逢吉號巽齋又號驪塘臨川人
熙十四年進士厯屯田郎官出知潮州又知漳
州忤部使者請祠歸有巽齋集

借詩話於應祥弟有不許點抹之約作詩戲
之

我有讀書癖每喜以筆界抹黃飾句眼施朱表事派

此手定權衡眾理杌眈滄歷歷衆可觀開卷如畫繪
知君篤友于因從借詩話過手有約言不許一筆壞
自語落我耳便覺意生械明朝試靜觀議論頗澎湃
讀到會議處時時欲犯戒將舉手復止火側禁搔疥
技癢無所施悶懷時一噫只可捲還君如此讀不快
千駟容可輕君抱亦不隘昨問鷄林人尙有此編賣
典衣須一收吾炙當痛嚼

經從豐城謁於房州於令侍姬歌舞進酒

蛾眉對酒舞涼伊舞身還逐歌聲齊卷花萬段忽進
酒門高蚊虻飛來低

春日卽事

麥風翻隴潑濃綠花露摘枝黏老紅小立樓頭檢春
事一絲暖日墜青蟲

郭公

郭公郭公聞爾失國春秋時何事到此猶悲啼郭公
前言亡國故當時祗緣臣子誤百年社稷不得歸而
今家住柘岡西滿目春風都是恨聲聲說與齊侯知
郭亡矣君勉之

送柴中行出守章貢

力爲君王乞得州補天未了石還收人才自係國輕

重吾道亦關公去留殿角纔辭槐影日船頭便轉荻
花殊競誇祖帳東門外誰識眉攢杜甫愁

上隆興趙帥

買宅須買千萬鄰季雅喜得王僧珍買山百萬復誰
與襄陽節度真主人我生兀兀鑽蠹簡不肯低頭殖
資產綴名虎榜二十年依舊酸寒廣文飯綠鬢半作
星星華豈堪風雨猶無家大鵬小鷄各自適只有鴻
雁長汀沙弟昆團欒雖足樂老屋蕭條不堪著玉堂
便是無骨相也合專儂一邱壑近來卜築窮冥搜十
里而近依松楸驪龍塘上鄧家邱半山老人所釣遊

半山天下文章伯鄧家聲名亦輝赫斷碑猶在古牆
陰好句曾經寫山邑買鄰得此天所予獨欠山資無
覓處平生罵錢作阿堵倉卒呼渠甯肯顧君侯地位
高入雲筆所到處皆成春萬間廣廈芘許遠豈無一
室棲貧身王鄧故處爲鄰曲更得趙侯錢買屋便哦
詩句謝山神飲水也勝樽酒綠

送劉帥歸蜀

萬水朝東弱水西先生歸去老峨眉人間那有樓千
尺望得峨眉山見時

送孫行之出守衡陽

日日江頭送客行，况聞君去作專城。心存臣子無中外，士繫朝廷有重輕。諫疏滿懷催上道，中原萬事想關情。戎葵到底還傾日，側耳衡陽來雁聲。

送晁告院得南康

我是康廬舊冷官，夢魂今尙憶雲端。山將草色到天碧，泉帶松聲出谷寒。仙觀幾年留鶴隱，古潭有日起龍蟠。史君肯著詩料理，乞取蠻牋半幅看。以上江西詩微

王容

字南強，湘鄉人。淳熙十四年進士，及第累官，著作郎，江西提舉，禮部侍郎，追贈銀青光祿大夫。

撰光宗日曆三百卷寧宗日曆五百十卷

殿試謝恩

天上催班曉色清五星伏盡極星明奏章讀徹三千
字臚唱傳來第一聲質實兩言雖樸語始終大節詎
恆情聖恩醇厚難圖報誓竭愚衷畢此生

沅湘耆
舊傳

林宗放

厲有

自號拙菴老人

題韓任道寓軒

坤作基天作宇架以虹霓鼈作柱八牕秦雲連楚雨
六合爲鄰誰障堵試問繩牀供仰俯是處江山子作

主雲夢胸中著千古明月清風左右取客來問君此
爲寓莫遣漆園漫無據

錢倅生日

煌煌我宋開鼇極坐覽輿圖朝列辟玉帛爭先萬國
趨吳越歸心天下一聖神論報天與同富貴不獨昌
其躬建隆以來二百載是家與國方延洪三光五嶽
誰言裂秀氣依然貫吳越荀家苗裔何多龍蕭氏衣
冠知幾葉賢王忠孝橫古今文采到公仍映人一段
清冰出秋壑笑言滿腹多精神胷中絲色經緯密華
袞政須煩黼黻會看玄髮貂蟬豈久銀章佩朱紱

轉頭玉樹森琳琅渥注之種俱顛昂斑斑久矣伏藝
苑秋風忽起催騰驤黃金鑄印大如斗世世累累還
繫肘笑摩銅狄向他年頗記淮山風月否

劇暑不可耐戲作冷語排之呈國威同舍兄

雲師怒挾風伯狂排山立海恣披猖斯須委雪一丈

強殺氣吞日埋扶桑平時身熱號炎荒

原注身熱山見西域傳

冰山亦復連穹蒼翔風健兒材武良墮指十五半在

亡巖谷不問獬虎狼凍合瀛海蛟龍僵蒼生似落冰

蠶絲一氣如綫何可長翻思蹈火勇赴湯誰能排雲

挈太陽稍與萬物回精光客來徵此疑荒唐烏有先

生投子方臨居炎赫汗反漿試想幻境生清涼

餞使君

始聽歌來暮還聞說去思但知憂國計那肯問家爲
跨竹兒童集攜書父子隨謝城攀戀處爭作畫圖披
贊奉使總領大卿

昔賢兩手并擎天鼇極功成勢晏然宗廟鼎彝刊祖
烈相門衣鉢付家傳藍田種玉連連好滄海遺珠顆
顆圓六合共知推畫錦雲來重爲拂青壇

賀俞婺州除左史

報政天邊美譽新十行細札下嚴宸逢人政爾詢司

馬從俗何由借寇恂制勝萬全端有道折衝一點是
精神向來魯國多男子此日朝家特用真

次宣州太守韻

雙旌迎曉指林廬五馬逢辰政得與西掖舊裁天子
詔名山今睹帝王書曾中霽月何明甚筆底清風更
穆如衮職還須補天手徵黃那復更躊躇

再次韻

肯將苛政削民廬好把寬人答乘輿襦袴賸媵今日
富春秋欣見有年書門施水滌何須爾庭卧柝楊只
晏如擬頌中和獻天子鯁生無語卻躊躇

和龔太守巡江回署之作

防秋纔過又防春帥守憂邊笑亦顰五馬去循江路
穩一帆回帶雨潮新知兵儒將功無敵有道諸侯守
在鄰籌勝名樓瞻手澤阿翁世業肯沈淪

以上宛陵羣英集

蕭達

字景伯

一云字靜庵

臨江新喻人淳熙十四年進士

歷官國子博士起居舍人秘書郎給事中嘉泰

中權禮部尚書兼實錄院同修撰

中興館閣續錄

王筍山

浩翁筆下千鈞重趙尹胃中萬里寬寶墨幾年藏瑞

氣新亭今日敞奇觀翠屏遠帶斜陽澹素練光涵夜
月寒苔碧印文公事少謾尋詩句立欄干

輿地紀勝

羅仲舒

慈溪人淳熙十四年進士

蘆江八詠

東橋柳色

河橋數株柳偏受東風多柔條慎勿折生意全天和
西浦潮痕

潮漲復潮退盈縮痕常存渡口孤舟橫濟川應有人
前墅耕雲

春雨鳴布穀土膏三月足舉趾事深耕竟晦水雲綠
後江釣月

先將補袞線縮作釣鼈絲投向滄江月輕輕小試之
義塾書燈

夜深展書讀呬唔聲比屋掩映杖頭光穿破西園竹
祠堂議禮

春秋思報本忠孝原有祠儀物修孔時擊鼓吹陶詩
蘆山樵唱

秋山草木落樵斧日相尋幽歌出空谷金石有餘音
竹林梵鐘

晨昏禮法供擊鼓齊七眾堪笑木蘭僧飯了空聲送
慈翁
縣志

柴中行

字與之江山人貫餘干淳熙十六年進士累官
太常主簿知光州西京轉運使知襄陽宗正少
卿祕閣修撰知贛州著易繫集傳書集傳等書
宋史有傳

敬題濂溪先生書堂

有生同宇宙所欠好山川因自春陵至留居廬阜間
斯文傳墜緒太極妙循環希聖誠何事懷哉伊與顏

出城三四里矯首愜遐觀頓覺市聲絕忻從天宇寬
康山書几淨湓浦視泓寒一誦愛蓮說塵埃百不干
濂溪集
附錄

送許郎中出知漳州

君子重出處兒女多依違孰知退有義一辭若發機
刑部今其人識遠渺造微時方事疾走而我心獨非
老色未上面健筆駛于飛宛然傲霜菊燦燦黃金輝
勉留鷓鴣行夫豈少輕肥一麾卽得請眾目駭見稀
了不露纖芥舒卷流清徽涼風稱歸棹灑氣滄征衣
婆娑慰邱園咳唾落珠璣因風來錦囊猶足慰依依

樂平
縣志

鄧仲倚

淳熙十六年知甯德縣

御風亭

飲醉歸時戶欲扃
烟暝棲鳥噪荒荆
飄颻萬里鵬程遠
縹渺三山鶴駕輕
秋樹涼生空過鷁
暮雲光動海翻鯨
酒徒他日如相問
爲拂塵埃看姓名

甯德志

龍目

仁壽人淳熙進士

小桃源

便作武陵溪上看春來何處不開花

輿地紀勝

安丙

字子文廣安人淳熙進士嘉定中樞密副使卒
謚忠定著有晶然集宋史有傳

送陳伯宏歸天台

讀定菴詩集句

平生江湖興欲住元無由一朝忽復來飄然泛扁舟
相將東南去子獨從之遊傾蓋荷相與瓊巽頻勸酬
危坐每長嘆經營出奇謀浩然天地閒憤氣衝斗牛
追陪文字飲酣歌大開喉與君結深交交朋情欲周
會合元有時妄意追陶劉每恨不久住共此做馬裘

西風彫梧桐，忽忽春復秋。嗟余客中都，中夜懷百憂。
區區爲貧仕，坐此徒窮愁。我恨各南北，公乃遂所求。
天台巨鴈蕩，今爲故鄉游。忽焉又分襟，涼風已飈飈。
可憐煙水闊，坐見羣山幽。音書有可寄，還解顧我不。

天台
別編

李肖龍

字叔膺，增城人。淳熙中進士，攝長樂縣事。官至
朝議大夫，入元不仕。

便民詩上顏正叔宣慰

枯苗一著雨，田疇綠芋芋。蟄蟲一逢春，窟穴聲闐闐。

餘民望小定甚於饑渴然昔何好弄兵今何知服田
急流無住魚晴空有飛鷲干戈未肯息百里無人煙
去年科徭重剜瘡在眼前父子不相保悲泣空自懸
新官榜往催觀者塞市廛全活數萬眾此恩大如天
人生能幾何飲啄皆前緣聚水盈科進缺月及時圓
唯謀官職高未必子孫賢有意行王道願言書七篇

粵詩
蒐逸

增城縣志肖龍性苦卞急嘗製漆牌刻銘
以繫於肘做古韋弦之義舊志載其銘曰
怒氣炎火焚燎自傷
觸來勿競事過清涼

劉甲

字師文涪熙進士東光人徙龍游歷官寶謨閣
學士知潼川卒于官理宗詔謚清惠宋史有傳

句

山圍梓蜀千秋景水接東吳萬里天

輿地紀勝

傳誠

字友叔仙遊人涪熙十一年進士倅無爲軍召
監六部門改宗正寺簿正擢淮西漕召爲司封
郎中遷尙左郎中後卒于官

奉命使金

霜明玉節映寒流馬渡蘆溝向上頭萬里河山觀古

塞百年荆棘歎神州
要臨瀚海銘燕石
莫上新亭作楚囚
多少遺民思舊俗
可憐金帛歲包羞

仙遊縣志

廖行之

字天民其先延平人
五代時徙于衢州
淳熙甲辰進士累官岳州巴陵尉
改寧鄉主簿著有省齋集

向氏歸來園

十畝江頭地
今時靖節園
輞川慚畫古
綠野漫名存
自有菊成徑
何須花滿園
是間無俗物
不用閉松門

錢塘買舟西歸

疇昔春江上詩成感舊遊重來正炎日還復理扁舟
興逐輕帆遠愁隨急雨收三年四來往依舊水東流

和張王臣郊遊韵三首

君訪西郊古佛家還因燒佛問丹霞可能同住依彌
勒應是前身悟木叉林杪危亭供宴坐門前翠岫儼
排衙紛紛躑市何時了靜看優曇浩劫花

山頭笑語落千家曉入登臨引暮霞極目未應煩笏
拄招朋端不羨魚父歸來皓月明於燭睡熟黃袖卧
放衙幕府官閒詩思敏賸酬臺臺筆生花

秀句清圓掩百家錦心幽思定餐霞風騷誰敢闕嚴

律誦數惟應滿洛義已有文名肩杜曲却憐羈旅賦
彭衙自嗟下俚陪高唱羞說芳時鼓子花

送春

煮醞青梅且共嘗遊蜂舞蝶爲誰忙鞦韆綵索迷青
草車馬紅橋鎖綠楊春事戰回蒲劍老詩腸結盡柳
絲長韶光賦別休匆遽擬仗東風更一觴

月夜有懷二宋兄

雲容冉冉碧於衫蟾影騰騰穩勝驂萬壑涼聲生木
末一天秋色滿江南聞雞漫起狂夫舞捫風誰從隱
士談坐想詩翁搜好句初機還許學人參

和羅舜舉

岸岸花飛客思濃
拍空烟水與天東
暮雲橫嶺依依碧
朝日翻波袞袞紅
鷗共忘機元自適
鼙猶鳴鼓定誰攻
凭欄萬里危樓望
愁絕江南一笛風

對酒憐鵝滿意黃
江天風暖水紋香
詩情到底能多助
官事由來未苦忙
晴雨不妨春自好
醉醒何擇我非狂
幾時容與扁舟去
浩蕩烟波情興長

和松坡劉迂詩四首

新涼憑雨入郊墟
却置詩書困簡書
願我塵埃隨野馬
令誰風味憶鱸魚
可能三釜從吾好
且放雙眉滿

意舒賸買一尊澆礪魄從他灑灑水鳴除

白雲飛處祝融墟心切平安一紙書浪走毛生慚捧
檄清貧羊續漫懸魚銀蟾浮彩秋尤好金粟含香桂
欲舒指日安輿奉顏色綵衣容與戲庭除

平生湖海敞貂裘一笑周南底滯留豪放不妨詩李
白崢嶸何意吏朱游悠悠世上難窮事落落曾中肯
若愁高興橫秋渾不淺月明還上武昌樓

滿袖風埃季子裘誰憐斗粟漫淹留棲遲歲月渾閒
事放浪湖山得勝游一律任渠從濫吹數盃容我且
澆愁祇應好在平生志更上陳登百尺樓

和武必達郢亭雜咏韵

君家華屋隱松關，滿壑清風六月寒。
半歲胡爲漫蓬轉，篇詩猶解惜春闌。
人言占馬應東首，我欲移文向北山。
試問啼鶻緣底事，盡情終日勸人還。

題蘇瑑覺齋二首

不隨鑿柄辨方圓，安用著龜考未然。
萬物由來皆備我，寸心旣盡卽知天。
見幾那俟拈花手，樂道渾忘絕易編。
自得誠明千古學，誰能證此具精專。

滅去觚稜性本圓，了除藩蔽物皆然。
向來具足頂門眼，盡發卑微寶裡天。
膠擾空花俱是幻，拘攣塵鞅束

如編非予孰爲幡然起莫遣阿衡美獨專

洪延

仙遊主簿

靈鑒院

曉日開晴壑山行信馬啼石泉鳴夜玉林筍迸春遲
松月禪心靜塵埃俗眼迷懸崖高萬丈倚作上天梯

興化府志

男內閣中書樹屏校